



SLUŽBENI GLASNIK

OPĆINE ZAVIDOVIĆI

Broj: 6 Datum: 16.05.2003.



.

.

.

.

I – AKTI OPĆINSKOG VIJEĆA

Na osnovu člana 7. Zakona o zakupu poslovnih zgrada i prostorija ("Službeni list SRBiH", broj: 33/17, 12/87 i 30/90 i "Službeni list RBiH", broj: 7/92, 3/93 i 13/94), člana 4. Pravilnika o postupku javnog nadmetanja za prodaju nepokretnosti u društvenoj svojini ("Službeni list SRBiH", broj: 28/79) i člana 55. tačka 2. Statuta općine Zavidovići ("Službeni glasnik općine Zavidovići", broj: 3/2002-prečišćen tekst), Općinsko vijeće Zavidovići na 42. sjednici održanoj 15.5.2003.godine, donijelo je

ODLUKU**o načinu i uslovima davanja u zakup
nepokretnosti u svojini općine****Član 1.**

Općina Zavidovići daje u zakup svoje poslovne zgrade i zemljište koje služi za redovnu upotrebu zgrada koje se nalaze na lokalitetu "Omladinsko naselje", označene sa:

- k.č. br. 227/6 zv. "Pilana" kuća-zg. pov. 285 m² i dvorište pov. 57 m²;
- k.č. br. 227/9 zv. "Pilana" kuća-zg. pov. 357 m² i dvorište pov. 66 m²;
- k.č. br. 227/10 zv. "Pilana" kuća-zg. pov. 166 m² i dvorište pov. 55 m²;
- k.č. br. 227/11 zv. "Pilana" kuća-zg. pov. 102 m² i dvorište pov. 40 m²;
- k.č. br. 227/12 zv. "Pilana" kuća-zg. pov. 258 m² i dvorište pov. 64 m² i
- k.č. br. 227/13 zv. "Pilana" kuća-zg. pov. 300 m² i dvorište pov. 67 m².

sve upisane u P.L. br. 232, K.O. Zavidovići kao DRSV Skupštine opštine Zavidovići sa dijelom posjeda 1/1.

Zakup poslovnih zgrada izvršiti će se putem pribavljanja pismenih ponuda.

Član 2.

Poslovna zgrada koja se nalazi na k.č. br. 227/6 sastoji se od četiri prostorije pojedinačne površine od 46,80 m², prostorije površine 9,51 m², prostorije pov. 14,94 m² i zajedničkih prostorija koje se sastoje od hodnika, dva kupatila i prostora mokrih čvorova sa četiri wc kabine, ukupne površine 285 m².

Poslovna zgrada koja se nalazi na k.č. br. 227/10 sastoji se od prostorije pov. 19,96 m²; prostorije pov. 12,51 m²; prostorija pov. 12,18 m²; prostorije pov. 12,30 m²; prostorije pov. 7,16 m² i prostorije pov. 7,23 m², ukupne površine 166 m².

Poslovna zgrada koja se nalazi na k.č. br. 227/12 sastoji se od prostorije površine 14,99 m², prostorije pov. 12,28 m², prostorije pov. 15,05 m² sale pov. 28,76 m², prostorije pov. 17,51 m², prostorije pov. 12,36 m², dvije spojene prostorije pov. 8,60 m² i 16,96 m², prostorije pov. 8,38 m², prostorije pov. 9,79 m², prostorije pov. 12,62 m², prostorije pov. 15,05 m², prostorije pov. 8,08 m², prostorije pov. 7,68 m², prostorije pov. 6,58 m² i zajedničkih prostorija hodnika i mokrog čvora, ukupne površine 258 m².

- 137 -

Poslovna zgrada koja se nalazi na k.č. br. 227/13 sastoji se od četiri spojene prostorije površina 10,41 m²; 10,23 m²; 24,66 m²; 9,96 m², prostorije površine 13,64 m², prostorije pov. 10,92 m², prostorije pov. 17,02 m², prostorije pov. 13,97 m², prostorije pov. 15,97 m², prostorije pov. 27,26 m², prostorije pov. 14,49 m², prostorije pov. 3,15 m², prostorije pov. 6,44 m², prostorije pov. 10,23 m², prostorije pov. 14,57 m², prostorije pov. 10,02 m², prostorije pov. 8,46 m² te zajedničkih prostorija hodnika i mokrog čvora, ukupne površine 300 m².

Član 3.

Početna zakupnina iznosi 1,00 KM/m² neto površine poslovnih zgrada, mjesečno. Zakupnina iz prethodnog stava obuhvata i cijenu korištenja zemljišta za redovnu upotrebu poslovnih zgrada.

U cijenu zakupnine za poslovne prostorije uračunata je i cijene korištenja zajedničkih prostorija.

Član 4.

Uz pismenu ponudu zainteresovana pravna i fizička lica su dužna priložiti dokaz o uplati kaucije u iznosu od 10,00 KM, na račun budžeta općine Zavidovići br. 134030000007385 kod IKB filijala Zenica ekspozitura Zavidovići, vrsta prihoda 722439.

Kaucija će se uračunati u ukupni iznos zakupnine.

Ponuđači sa kojima se ne zaključi ugovor o zakupu poslovnih zgrada iz člana 1. Odluke imaju pravo na povrat uplaćene kaucije.

Član 5.

Ponuđači mogu konkurisati na jednu ili više poslovnih zgrada označenih sa k.č. 227/9 i k.č. 227/11 u članu 1. ove Odluke. odnosno na jednu ili više poslovnih prostorija unutar poslovnih zgrada označenih sa k.č. 227/6, k.č. 227/10, k.č. 227/12 i k.č. 227/13 u članu 2. ove odluke.

Prije isticanja ponude ponuđači mogu izvršiti uvid u stanje poslovnih zgrada za koje su zainteresovani.

Član 6.

Odmah po zaključenju ugovora o zakupu poslovnih zgrada iz člana 1. Odluke zakupci mogu ući u posjed istih.

Član 7.

Izdavanje poslovnih zgrada iz člana 1. Odluke o zakupu putem pribavljanja pismenih ponuda objavit će se u sredstvima javnog informisanja na području ZE-DO kantona, oglasnoj tabli Općine Zavidovići i mjesnim zajednicama na području općine, u roku od 15 dana od dana donošenja ove Odluke.

Član 8.

Poslovne zgrade se izdaju u zakup u zatečenom stanju, a svi troškovi koji nastanu radi privođenja istih u potpuno funkcionalno stanje ne mogu se uračunati u iznos zakupnine.

- 138 -

Član 9.

Postupak izdavanja u zakup poslovnih zgrada iz člana 1. Odluke sprovede komisija za izdavanje poslovnih prostora u zakup koju imenuje Općinski načelnik. Komisija iz prethodnog stava ima predsjednika i dva člana od kojih svaki ima zamjenika.

Član 10.

Javno nadmetanje za zakup predmetnih poslovnih zgrada provodi se na način propisan Pravilnikom o postupku Javnog nadmetanja za prodaju nepokretnosti u društvenoj svojini ("Službeni list SRBiH", broj: 28/79).

Član 11.

Ako ne uspije prvo javno nadmetanje za izdavanje poslovnih zgrada u zakup, postupak će se ponoviti na isti način.

Ako se i nakon ponovljenog postupka poslovne zgrade ne izdaju u zakup iste će se izdati u zakup neposrednom pogodbom.

Član 12.

Ovlaštuje se Općinski načelnik Zavidovići da sa najpovoljnijim ponudačem zaključi ugovor o zakupu poslovnih zgrada iz člana 1. Odluke, kojim će se pobliže definisati obaveze ugovornih strana.

Član 13.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-02-1291
Dana, 15.5.2003.godine

(M.P.)

Fuad Berberović, s.r.

Na osnovu člana 14. stav 2. Zakona o uzurpacijama ("Službeni list SR BiH", broj: 6/78-
"PREČIŠĆENI TEKST"), člana 4. Zakona o prometu nepokretnosti ("Službeni list SR BiH",
broj: 38/78, 4/83, 29/90 i 22/91 i "Službeni list RBiH", broj: 21/92, 3/93, 13/94 i 18/94) i člana
55. tačka 2. Statuta općine Zavidovići ("Službeni glasnik općine Zavidovići", broj: 3/02).
Općinsko vijeće Zavidovići je na 42. sjednici održanoj 15.5.2003. godine, donijelo je

ODLUKU

Član 1.

Utvrđuje se da je izgubilo status nepokretnosti u općoj upotrebi (status puta) dio zemljišta u
pov. od 35 m² označeno sa:

- k.č. br. 4413/4 zv. "Gostović", prilazni put, pov. 8068 m², upisana u P.L. br. 0134 K.O.
Gostović u korist DRSV-Javni i nekategorisani putevi.

Član 2.

U roku od 15 dana po stupanju na snagu ove Odluke izvršit će se odejepljenje dijela
parcele označene u predhodnom članu u pov. od 35 m², a novonastala parcela pov. 35 m² će se
upisati kao državna svojina u odgovarajući posjedovni list u kome je upisano zemljište čiji je
nosilac prava korišćenja općina Zavidovići.

Član 3.

Ova odluka stupa na snagu prvog narednog dana od dana njenog objavljivanja u
"Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-31-1061
Dana: 15.5.2003.godine

(M.P.)


Fuad Berberović, s.r.

Služba za upravu geodetskih, imovinsko
pravnih poslova i urbanizma

Katastarska općina.....
Broj plana

KOPIJA KATASTARSKOG PLANA

Razmjera 1:




Naknada po tarifnom broju 2. Općinske tarife za korištenje podataka premjera katastra nekretnina ("Sl. glasnik općine Zavidovići " broj:9/99) u iznosu od KM uplaćna i zavedena u spisku porudžbina pod brojem /03 god.

Katastarski podaci

Br. posjed. lista	Br. Katastar. parcele	Kultura	m2	Posjednik


Izradio



Zavidovići, dana/03 godine

OVJERAVA

Pomoćnik načelnika za geodetske
i imovinsko pravne poslove


Naila Jusupović, dipl. pravnik

Na osnovu člana 57. i člana 59. stav 1. i 2. Zakona o vlasničko-pravnim odnosima ("Službene novine FBiH", broj: 6/98) i člana 55. tačka 2. Statuta općine Zavidovići ("Službeni glasnik općine Zavidovići", broj: 03/02- "prečišćen tekst"), Općinsko vijeće Zavidovići na 42.sjednici održanoj 15.5.2003.godine, donijelo je

ODLUKU

o ustanovljenju prava stvarne služnosti kolskog puta

Član 1.

Ustanovljava se pravo stvarne služnosti kolskog puta širine 4 m, a dužine 50 m preko poslužne nekretnine označene sa k.č. br. 28/1 zv. "Šahmanovac", šuma 3 klase, pov. 28 767 m², upisana u p.l. br. 0821, K.O. Potkleče, kao DRSV Općine Zavidovići, a u korist povlasne nekretnine označene sa k.č. br. 189/3, zv. "Šahmanovac", pašnjak 4 klase, pov. 561 m² upisana u p.l. br. 1055 K.O. Potkleče, kao svojina Alihodžić (Redžo) Isudina sa dijelom posjeda 1/1.

Član 2.

Kolski put iz prethodnog člana polazi od asfaltnog puta Zavidovići-Potkleče označenog sa k.č. br. 1016, K.O. Potkleče, sa lijeve strane gledano iz pravca Zavidovića i kreće se jugoistočno kroz parcelu označenu sa k.č. br. 28/1 K.O. Potkleče, zatim put skreće u pravcu juga prema parceli označenoj sa k.č. br. 190/2 K.O. Potkleče upisanoj kao DRSV IP "Krivaja" DD Zavidovići, koju prolazi da bi došla do k.č. br. 189/3 K.O. Potkleče kao povlasne nekretnine.

Član 3.

Pravo služnosti iz člana 1. i 2. ove Odluke opterućuje poslužne nekretnine dok se ne ukaže potreba za planskim uređenjem prostora koji bi između ostalih, obuhvatio i katastarske čestice iz člana 1. Odluke.

Član 4.

Sastavni dio ove Odluke je skica sa ucrtanom trasom puta u skladu sa članom 1. i 2. Odluke.

Član 5.

Ova odluka stupa na snagu danom objavljivanja u «Službenom glasniku općine Zavidovići».

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA


Broj: 01-05-1226
Dana, 15.5.2003.godine

(M.P.)

Fuad Berberović, s.r.

KOPIJA KATASTARSKOG PLANA

Razmjera 1: *2500*



*Parcela kč. br. 28/1 D.S.
S.O.e - put u dužini
od 50 m x 4 m = 200 m².*

Naknada po Tar. br. 7. Tarife naknada za korišćenje podataka premjera 1 katastra zemljišta ("Sl. list SR BiH", br. 39/73 i 1/74) u iznosu od KM ..., te po tar. br. Opšte tarife naknade za usluge u iznosu od KM ... uplaćena i zavedena u spisku porudžbina pod br. ... 19 ... god.

Katastarski podaci

Br. posjed lista	Broj kart parcele	Kultura	m ²	Posjednik

Zavidovići, dne ... 19 ... godine

Izdao,

Ovjerava,
šef Opštinske geodetske uprave,

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKI NAČELNIK -

Broj: 01/1-05-976/03
Datum: 4.4.2003.godine

Na osnovu člana 13. stav 1. Zakona o javnim preduzećima («Službeni list RBiH», broj 4/92 i 21/92) i člana 24. Statuta Komunalnog preduzeća «Radnik» Zavidovići, Općinski načelnik Zavidovići razmatrao je Odluku Upravnog odbora Javnog komunalnog preduzeća «Radnik» iz Zavidovića broj UO-10/2003 od 28.3.2003.godine, donio je

R J E Š E N J E

DAJE SE SAGLASNOST na Odluku Upravnog odbora Javnog komunalnog preduzeća «Radnik» iz Zavidovića broj UO-10/2003 od 28.3.2003.godine kojom je za direktora Javnog komunalnog preduzeća «Radnik» iz Zavidovića imenovan **ČATIĆ** (Kasima) **AZEM**, dipl.ing. maš. iz Zavidovića na period od četiri godine.

O b r a z l o ž e n j e

Upravni odbor JKP «Radnik» iz Zavidovića raspisao je konkurs za izbor direktora JKP «Radnik» iz Zavidovića.

Na objavljen konkurs prijavilo se u ostavljenom roku šest kandidata od kojih je jedan kandidat odustao od kandidature prije zasjedanja Upravnog odbora. Od preostalih pet kandidata dva kandidata nisu uz prijavu priložili potrebnu dokumentaciju.

Od preostalih tri kandidata Upravni odbor JKP «Radnik» imenovao je Čatić (Kasima) Azema, dipl.ing.maš. iz Zavidovića pošto imenovani ispunjava uslove iz konkursa odnosno iz općih akata preduzeća.

Izvršila sam uvid u cjelokupnu dokumentaciju svih prijavljenih kandidata i ustanovila da je Upravni odbor ispoštovao proceduru imenovanja kao i uslove kandidata kojeg je imenovao za direktora.

Iz iznijetih razloga odlučila sam da dam saglasnost da se za direktora Javnog komunalnog preduzeća «Radnik» imenuje Čatić Azem, dipl.ing.maš. iz Zavidovića na vrijeme od četiri godine.

(M.P.)

OPĆINSKI NAČELNIK

Selvedina Uljić, dipl.ing.maš., s.r.

**III – AKTI SLUŽBE ZA UPRAVU EKONOMSKIH
POSLOVA I PODUZETNIŠTVA**

**«PREVOZ PUTNIKA» d.o.o.
Z A V I D O V I Ć I**

Broj: 358/03

Datum: 04.04.2003.godine

C J E N O V N I K
usluga Autobuska stanice Zavidovići

1. PERONIZACIJA

Vrsta linije									
Međunarodne			Međugradske			Kantonalne			Lokalne
dol/odl	tranzitn	slobodni prevoz	dol/odl	tranzitn	slobodni prevoz	dol/odl	tranzitn	slobodni prevoz	dol/odl
3.00	2.00	5.00	1.00	1.00	10.00	1.00	1.00	5.00	0.50

U slučaju da prijevoznik izvrši organizaciju prodaje autobuskih karata mimo Autobuske stanice ili njezinih agencija, odnosno poslovnica, cijene staničnih usluga utvrđene ovim Cjenovnikom povećavaju se za 300%.

**2. IZNOS USLUGA ZA KORIŠTENJE ČEKAONICE I
STANIČNOG PROSTORA**

U slučaju mjesečnih pretplatnih vozničkih karata, kada pretplatne mjesečne karte prodaju prijevoznici ili druge autobuske stanice, a prijevoz se završava na autobuskoj stanici Zavidovići, obračun se plaća uz kartu usluga za korištenje čekaonice i staničnog prostora.

Kategorija	Vrsta linije			
	Međunarodne	Međugradske	Kantonalne	Lokalne
	1.00	0.50	0.50	0.20

2.2. U slučaju mjesečnih pretplatnih vozni karata

Kada pretplatne mjesečne karte prodaju prijevoznici ili autobuske stanice, pravo na naknadu za korišćenje stanice pripada i autobuskoj stanici na kojoj se prijevoz završava.

Pravo naknade ostvaruje se na prodaju mjesečnu kartu i to

Vrsta linije		
Međugradske	Kantonalne	Općinske
3,00	2,00	1,00

Utvrđeni iznos naknade za korišćenje stanice podmiruje prijevoznik

3. PROVIZIJA ZA IZVRŠENE USLUGE

Provizija od cijene putničke karte za izvršene usluge prodaje putničkih karata za naplatu od prijevoznika.

Unutrašnji prijevoz računa/automatska	Međunarodni prijevoz univerzalna	Vanredni prijevoz	Prodaja mjesečnih karata
7%	10%	10%	5%

4. PREDBILJEŽBA (REZERVACIJA) MJESTA I OVJERA POVRATNIH KARATA

Unutrašnji prijevoz	Međunarodni prijevoz	Rezervacija telefonom
0,50	1,00	1,00

5. POHRANA PRTLJAGA

Smještaj i čuvanje do 3 saha	Za svaki slijedeći sat	Tehnička roba (TV, radio-aparati, mašine i sl)
1,50	0,50	3,00

6. ODGOVORNOST ZA PREUZETI PRTLJAG

Za preuzeti prtljag autobuska stanica snosi odgovornost i obavezuje se, u slučaju gubljenja istog, da će za interes korisnika usluge izvršiti naknadu u visini:

- za prtljag 100,00 KM
- za tehničku robu u vrijednosti 500,00 KM

7. USLUGE SMJEŠTAJA – PARKIRANJE AUTOBUSA

Vremenski period pružanja usluge		
Parkiranje do 2 sata	Za svaki naredni sat parkiranja	Parkiranje preko cijele noći
2,00	2,00	10,00

8. SANITARNE USLUGE

Ove usluge su jedinstvene i iznose 1,00 KM

9. PERONSKA I DOPLATNA KARTA

Peronska i doplatna karta se naplaćuje putnicima.

Posebnu doplatnu kartu plaća putnik koji ne kupi voznu kartu u mjestima gdje je organizovana prodaja, a uđe u autobus bez vozne karte i to:

- peronska karta 1,00 KM
- doplatna karta 3,00 KM

10. POSEBNE USLUGE

Pod posebnim uslugama podrazumijeva se korištenje i upotreba telefona, telefaksa i razglasnih uređaja. Za upotrebu telefona i telefaksa koji su vlasništvo stanice korisnicima se obračunava cijena prema tarifi JP PTT Saobraćaja BiH uvećana za određeni iznos u (%). Za korištenje razglasnih uređaja autobuskih stanica putnik plaća za svakih 10 riječi određenu cijenu u (KM).

Procenat uvećanja u odnosu na tarifu JP PTT BiH za korištenje telefona i telefaksa (%)	Cijena korištenja razglasnih uređaja (za svakih 10 riječi) (KM)
100	2,00

Direktor

(M.P.)

Mujkić Mihrudin, dipl.ing.saob., s.r.

- 147 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK
Služba za upravu ekonomskih
poslova i poduzetništva

Broj: 03/25-14-1004/03

Datum: 7.4.2003.godine

Općinski načelnik – Služba za upravu ekonomskih poslova i poduzetništvo općine Zavidovići, na osnovu člana 6. stav 1. Odluke o organizaciji općinske uprave («Službeni glasnik općine Zavidovići», broj 9/02) i člana 9. stav 1. alineja 2. Zaona o kontroli cijena («Službene novine FBiH», broj 2/95), rješavajući po zahtjevu «Prevoza putnika» d.o.o. Zavidovići, daje

S A G L A S N O S T

Daje se saglasnost na cjenovnik usluga Autobuske stanice Zavidovići, broj 358/03 od 4.4.2003.godine.

Ova saglasnost stupa na snagu danom donošenja, odnosno davanja, a objavit će se u «Službenom glasniku općine Zavidovići».

O b r a z l o ž e n j e

«Prevoz putnika» d.o.o. Zavidovići obratilo se pismenim zahtjevom ovoj općinskoj službi za davanje saglasnosti na cjenovnik usluga Autobuske stanice Zavidovići, dana 4.4.2003.godine.

Razmatrajući navedeni cjenovnik usluga Autobuske stanice Zavidovići ova općinska služba je mišljenja da navedene cijene usluga predstavljaju realan odraz ukupnog ekonomskog stanja u oblasti usluga autobuskih stanica, te je u skladu sa tim mišljenjem odlučila i dati saglasnost na isti kako je to rečeno u dispozitivu.

POMOĆNIK NAČELNIKA

(M.P.)

mr. Mirsad Džaferović, s.r.

IV – AKTI MJESNIH ZAJEDNICA

Na osnovu člana 12. Pravila Mjesne zajednice Donji Gostović, Savjet Mjesne zajednice Donji Gostović na svojoj I sjednici održanoj dana 22.03.2003.godine, donio slijedeću

O D L U K U

**o imenovanju Savjeta Mjesne zajednice
Donji Gostović**

I

U Savjet Mjesne zajednice Donji Gostović imenuje se:

1. Suljić Halil – za predsjednika,
2. Čatić Nusret – za zamjenika
3. Čatić Asif – za člana,
4. Fojnica Omer – za člana,
5. Zilkić Hasan – za člana,
6. Avdić Omer -- za člana,
7. Fojnica Mehmed -- za člana,
8. Čatić Mirso – za člana,
9. Avdić Hasan – za člana,

II

Mandat članovima Savjeta Mjesne zajednice Donji Gostović traje 2 (dvije) godine od dana imenovanja.

III

Ova Odluka stupa na snagu danom donošenja, a ista će biti objavljena u «Službenom glasniku općine Zavidovići».

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
MJESNA ZAJEDNICA DONJI GOSTOVIĆ

PREDSJEDNIK SAVJETA

Suljić Halil, s.r.

Broj: 08/03
Datum: 04.04.2003.godine

(M.P.)

- 149 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
MJESNA ZAJEDNICA DONJI GOSTOVIĆ

Broj: 07/03

Datum: 04.04.2003.godine

Na osnovu člana 50. Pravila Mjesne zajednice Donji Gostović, Savjet Mjesne zajednice Donji Gostović donio slijedeću

O D L U K U

o imenovanju sekretara Mjesne zajednice Donji Gostović

I

G-din ADEM ZILKIĆ iz Poljica, imenuje se za sekretara Mjesne zajednice Donji Gostović.

Imenovani će obavljati poslove sekretara Mjesne zajednice Donji Gostović volonterski na neodređeno vrijeme.

II

Sekretar Mjesne zajednice Donji Gostović, dužan je obavljati sve sekretarske poslove, te se obavezuje i za obavljanje poslova koji se odnose na finansije.

III

Sekretar se oblašćuje da u ime Mjesne zajednice Donji Gostović, može raspolagati sa računom koji se vodi kod «Investiciono-komercijalne banke Zenica» - Ekspozitura Zavidovići.

IV

Sekretar Mjesne zajednice se ovlašćuje da raspolaže sa dva pečata Mjesne zajednice Donji Gostović, veliki i mali pečat Mjesne zajednice Donji Gostović.

V

Sekretaru Mjesne zajednice Donji Gostović, koji poslove obavlja volonterski određuje se mjesečna naknada u iznosu od 40 KM (četrdeset KM).

VI

Sekretar se zadužuje kancelarijskim materijalom, koji su do sada bili kod predsjednika Savjeta Mjesne zajednice.

VII

Odluka stupa na snagu danom donošenja i bit će objavljen u «Službenom glasniku općine Zavidovići».

PREDSJEDNIK SAVJETA MZ

(M.P.)

Suljić Halil, s.r.

SADRŽAJ

	Strana
<u>I – AKTI OPĆINSKOG VIJEĆA</u>	
1. ODLUKA o načinu i uslovima davanja u zakup nepokretnosti u svojini općine	136
2. ODLUKA o utvrđivanju statusa nepokretnosti (satus puta) K.O.Gostović.....	139
3. ODLUKA o ustanovljenju prava stvarne služnosti kolskog puta	141
<u>II – AKTI OPĆINSKOG NAČELNIKA</u>	
1. RJEŠENJE o davanju saglasnosti na Odluku Upravnog odbora JKP «Radnik» o imenovanju direktora ČATIĆ AZEM	143
<u>III – AKTI SLUŽBE ZA UPRAVU EKONOMSKIH POSLOVA I PODUZETNIŠTVA</u>	
1. CJENOVNIK «Prevoza putnika» d.o.o. Zavidovići za usluge Autobuske stanice Zavidovići	144
2. SAGLASNOST na Cjenovnik usluga Autobuske stanice Zavidovići	147
<u>IV – AKTI MJESNIH ZAJEDNICA</u>	
1. ODLUKA o imenovanju Savjeta Mjesne zajednice Donji Gostović.....	148
2. ODLUKA o imenovanju sekretara Mjesne zajednice Donji Gostović	149

•
•
•

•
•
•